

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-573-2/12
Sarajevo, 15. 6. 2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 20.06.2012			
Organizaciona jedinica	Klasifikaciona oznaka	Redni broj	Broj priloga
	01-50-1-15-23/R		

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine je na 10. sjednici održanoj 12. 6. 2012. godine utvrdilo Odgovor na zastupničko pitanje koje je postavio Denis Bećirović, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegova dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-573-2/12
Sarajevo, 15. 6. 2012. godine

Denis Bećirović, poslanik u Predstavničkom domu Parlamentarne skupštine Bosne i Hercegovine, na 23. sjednici Predstavničkog doma, održanoj 16. februara 2012. godine, postavio je slijedeća poslanička pitanja:

«Zbog čega se opstruira potpisivanje međudržavnog sporazuma o granici između Bosne i Hercegovine i Crne Gore?»

«Zbog čega se opstruira potpisivanje međudržavnog sporazuma o granici između Bosne i Hercegovine i Srbije?»

10. Na postavljena poslanička pitanja, Vijeće ministara Bosne i Hercegovine je na sjednici održanoj R.G. 2012 godine, utvrdilo sljedeći

ODGOVOR

U toku su aktivnosti na konstituisanju novog saziva Državne komisije za granicu Bosne i Hercegovine (u daljem tekstu: Komisija), koje vodi Ministarstvo civilnih poslova BiH, u skladu sa članom 38. st. (3) i (4) Zakona o graničnoj kontroli («Službeni glasnik BiH», broj 53/09 i 54/10).

Po konstituisanju ovog tijela steći će se uslovi za intenziviranje aktivnosti iz mandata Komisije na planu razgraničenja sa susjednim državama.

Komisija, koja je osnovana Odlukom o osnivanju Državne komisije za granicu Bosne i Hercegovine („Službeni glasnik BiH“, broj 59/08), s ciljem preuzimanja poslova bivše Državne komisije za granicu Bosne i Hercegovine, u dijelu koji se odnosi na poslove utvrđivanja granične linije Bosne i Hercegovine i u cilju produženja kontinuiteta već vođenih aktivnosti na planu razgraničenja sa susjednim državama, inicirala je nastavak razgovora sa predstavnicima Republike Srbije, o načinu rješavanja spornih graničnih pitanja.

Nakon ove inicijative održan je sastanak sa delegacijom Srbije u junu 2010. godine. I na ovom sastanku, a što je vidljivo uvidom u dokumentaciju različitih saziva Državne komisije za granicu Bosne i Hercegovine, koje su obavljale poslove i aktivnosti na planu razgraničenja sa Republikom Srbijom, predstavnici iz Srbije su insistirali na razmjeni dijelova teritorije, kao preduslov za nastavak aktivnosti na razgraničenju, dok je Državna komisija za granicu BiH isticala činjenicu da je takav zahtjev izvan okvira njenog mandata, koji se odnosi na poslove utvrđivanja granične linije Bosne i Hercegovine i aktivnosti na planu razgraničenja sa susjednim državama.

Stavovi obje strane su ostali nepromijenjeni.

U vezi sa pitanjem «Zbog čega se opstruira potpisivanje međudržavnog sporazuma o granici između Bosne i Hercegovine i Crne Gore?», obavještavamo Vas o slijedećem.

Državna komisija za granicu Bosne i Hercegovine, u toku 2008.-2011. godine, poduzela je niz aktivnosti u vezi sa identifikacijom granične linije sa Crnom Gorom. U tom smislu održan je niz sastanaka sa predstavnicima Državne komisije za granicu Crne Gore i zajedničkih radnih grupa, te usaglašeni stavovi o načinu razgraničenja dvije države u skoro cjelokupnoj dužini pružanja granične crte.

Iz izvještaja Stručne grupe za dokumentaciju identifikacije granične linije Bosne i Hercegovine sa susjednim državama, koja je formirana odlukom Državne komisije za granicu Bosne i Hercegovine, vidljivo je da je ostalo jedno „otvoreno pitanje“ u procesu identifikacije granice sa Crnom Gorom i da se radi o manjoj neusaglašenosti granične linije u dužini od cca 700 metara (oko 81 ha površine) u području Opštine Foča u Bosni i Hercegovini, tj. Opštine Pljevlja u Crnoj Gori.

Po konstituisanju novog saziva Državne komisije za granicu Bosne i Hercegovine nastaviće se aktivnosti na planu utvrđivanja granične linije sa Crnom Gorom.